


Oleh Presiden
Dieter F. Uchtdorf
Penasihat Kedua di
dalam Presidensi Utama



Saudara, Saya Sudah Komited

Dua orang adik-beradik lelaki berdiri di atas satu tebing curam yang kecil yang menghala ke satu tasik yang asli. Ini adalah satu tempat terjunan yang terkenal, dan dua orang saudara itu sering kali berbual tentang menerjun dari situ—sesuatu yang mereka pernah nampak orang lain lakukan.

Walaupun kedua-dua mereka ingin terjun, tiada seorang daripada mereka hendak menjadi orang yang pertama untuk menerjun. Tebing curam itu bukan sangat tinggi, tetapi kepada dua orang budak lelaki itu, jarak tebing itu bertambah setiap kali mereka condong ke depan—dan keberanian mereka hapus dengan cepat.

Akhirnya, seorang saudara itu menempatkan satu kaki pada tepi tebing curam itu dan bergerak depan dengan tegasnya. Pada saat itu saudaranya berbisik, “Mungkin kita harus tunggu sampai musim panas tahun depan.”

Tetapi, momentum saudara pertama sudah menarik dia ke depan. “Saudara,” dia membalas, “Saya sudah komited!”

Dia terjun ke dalam air dan timbul dengan cepatnya dengan satu teriakan kemenangan. Saudara yang kedua mengikut dengan serta-merta. Selepas itu, mereka ketawa tentang kata-kata saudara pertama sebelum dia terjun ke dalam air: “Saudara, saya sudah komited.”

Komitmen adalah seperti menerjun ke dalam air. Sama ada anda komited atau tidak. Sama ada anda bergerak ke depan atau anda berdiri kaku. Tidak adanya setengah jalan. Kita semua menghadapi waktu keputusan yang mengubah hidup kita. Sebagai ahli-ahli

Gereja, kita mesti menanya diri kita sendiri, “Akankah saya terjun atau hanya berdiri di tepi tebing? Akankah saya bergerak ke depan atau hanya menguji suhu air itu dengan jari kaki?”

Ada dosa yang berlaku kerana kita melakukan perkara yang salah; ada dosa yang berlaku kerana kita tidak melaksanakan apa-apa pun. Komitmen kepada injil dengan sedikit sahaja akan mendatangkan kehampaan, kedukacitaan, dan perasaan bersalah. Ini tidak harus berlaku kepada kita kerana kita adalah umat perjanjian. Kita membuat perjanjian dengan Tuhan bila kita dibaptis dan bila kita masuk ke dalam rumah Tuhan. Kaum lelaki membuat perjanjian dengan Tuhan bila mereka ditahbiskan imamat. Tiada ada sebarang hal pun yang lebih penting dari menjaga komitmen yang sudah kita buat dengan Tuhan. Biarlah kita ingatkan balasan Rahel dan Lea kepada Yakub dalam Perjanjian Lama. Balasan itu senang dan teurs-terang dan menunjukkan komitmen mereka: “Lakukanlah apa yang diperintahkan oleh Tuhan kepadamu” (Kejadian 31:16).

Mereka yang hanya komited sedikit mungkin hanya boleh mengharap untuk menerima berkat yang sedikit sahaja tentang kesaksian, kebahagiaan, dan kedamaian. Tingkap-tingkap syurga hanya terbuka sedikit bagi mereka. Tidakkah bodoh untuk berfikir begitu, “Saya akan komitkan diri sebanyak 50 peratus sekarang, tetapi bila Kristus muncul pada Kedatangan kedua, saya akan menjadi komited seratus peratus?”

Komitmen kepada perjanjian kita dengan Tuhan adalah hasil penukaran hati kita. Komitmen kepada Juruselamat kita dan GerejaNya membinakan sifat kita dan memperkuat roh kita supaya bila kita menemu Kristus, Dia akan memeluk kita dan berkata, “Bagus, kamu hamba yang baik dan setia” (Matius 25:21).

Adanya satu perbezaan di antara niat dan tindakan. Mereka yang hanya berniat untuk menjadi komited akan mencari alasan setiap kali. Mereka yang benar-benarnya komited menghadapi cabaran-cabaran mereka dengan jujur dan berkata kepada mereka diri sendiri, “Ya, itu mungkin satu alasan yang bagus untuk menunda, tetapi saya sudah buat perjanjian, jadi saya akan melaksanakan apa yang sudah saya komited.” Mereka mengaji alkitab suci dan mencarikan bimbingan Bapa Syurgawi dengan sepenuh hati. Mereka menerima dan mengembangkan panggilan-panggilan gereja mereka. Mereka menghadiri pertemuan-pertemuan mereka. Mereka melakukan tugas pengajaran keluarga dan pengajaran berkunjung mereka.

Satu peribahasa Jerman berkata, “Perjanjian adalah seperti bulan penuh. Jika ia tidak ditangkap dengan ser-ta-merta, ia akan susut satu hari demi satu hari.” Sebagai ahli-ahli Gereja Yesus Kristus Orang Suci Zaman Akhir, kita sudah komited untuk menjalan pada jalan pengi-kutan. Kita sudah komited untuk mengikut teladan Juruselamat kita. Gambarkanlah bagaimana dunia ini akan diberkati dan berubah demi kebaikan bila semua ahli Gereja Tuhan menghidupi potensi benar mereka — yang sudah berakar dalam jiwa mereka dan komited untuk membina kerajaan Tuhan.

Kita masing-masing berdiri pada tempat keputusan yang menghala ke air. Ia adalah doa saya semoga kita akan beriman, bergerak depan, menghadapi ketakutan dan keraguan kita dengan keberanian, dan berkata kepada kita diri sendiri, “Saya sudah komited!”

MENGAJAR DARI PESANAN INI

“Satu cara untuk membantu para pelajar untuk memahami prinsip-prinsip injil adalah menjemput mereka untuk melukis gambar. Melukis gambar membenarkan mereka untuk meneliti dan menunjukkan kefahaman dan perasaan mereka tentang cerita-cerita dan prinsip-prinsip injil” (*Teaching, No Greater Call* [1999], 166). Menimbang untuk membaca karangan ini, untuk

membincangkan prinsip komitmen kepada injil, dan kemudian menanya mereka yang ingin untuk melukiskan satu gambar tentang aktiviti injil yang menunjukkan komitmen. Kanak-kanak muda mungkin perlukan cadangan untuk lukisan.

REMAJA

Segala Yang Boleh Saya Berikan

Oleh Alyssa Hansen

Saya memang gelisah tentang cara bagaimana saya akan membayar untuk semua perkara yang saya ingin mengambil bahagian pada musim panas ini: kelas-kelas, bengkel, kem musim panas, dan lain-lainnya. Saya fikir saya akan menangis. Kemudian saya ingatkan semua perkara yang sudah saya belajar tentang keyakinan dan beriman kepada Tuhan. Saya berputus untuk menempatkan situasi ini dalam tangan Tuhan dan yakin bahawa jika ini adalah keinginanNya, Dia akan menyediakan satu jalan.

Tidak lama selepas itu, ibu saya mendapati satu cek saya yang belum ditunai dari satu kerja pada awal tahun ini, dan hari selepas itu saya menerima satu hadiah kewangan yang kecil dari pos kerana saya mendapat tempat kedua dalam satu pertandingan. Ini adalah satu kesaksian yang hebat kepada saya bahawa Tuhan hidup, dan Dia menyayangi dan mengambil berat tentang saya dan akan membekal.

Saya penuh dengan kesyukuran dan kasih sayang terhadap Bapa Syurgawi dan Juruselamat saya. Saya berasa saya akan meletup! Saya ingin menunjukkan betapa saya bersyukur, untuk memuji Tuhan dengan yang paling baik yang dapat saya lakukan, untuk berkongsi perasaan itu. Orang lain dapat menggubah satu lagu, menulis satu puisi, atau melukis satu gambar, tetapi saya berasa tidak layak untuk melakukan perkara-perkara tersebut. Saya sedar bahawa perkara yang dapat saya berikan yang mungkin cukup untuk memuji Tuhan adalah hidup saya— untuk menjadi “teladan bagi semua orang yang percaya” (1 Timotius 4:12), untuk memberikan nyawa saya kepada Kristus. Inilah yang Dia tanyakan, dan inilah segala yang boleh saya berikan.

© 2011 oleh Intellectual Reserve, Inc. Hak cipta terpelihara. Dicitak di USA. Kelulusan Bahasa Inggeris: 6/10. Kelulusan terjemahan: 6/10. Terjemahan *First Presidency Message, July 2011*. Malay. 09767 348



Iman • Keluarga • Pertolongan

Datanglah Ke Bait Suci dan Tuntutlah Berkah-berkah Anda

Pelajarilah pesanannya ini dan, sebagaimana sesuai, berbicara mengenainya dengan saudara-saudari yang anda kunjungi. Gunakanlah soalan-soalan yang diberikan untuk menolong anda menguatkan para saudara yang anda ajar dan juga untuk membuat Lembaga Pertolongan suatu bahagian yang giat dalam kehidupan anda.

Para saudara, kita banyak diberkati. Juruselamat memimpin Gereja ini. Kita diketuai oleh para nabi hidup. Kita ada kitab-kitab suci. Dan adanya banyak bait suci di seluruh dunia di mana kita boleh memperoleh tatacara-tatacara injil yang diperlukan untuk menolong kita kembali ke Bapa Syurgawi kita.

Pertama kali kita pergi ke bait suci adalah untuk kita diri sendiri. “Tujuan utama bait suci,” jelas Elder Robert D. Hales dari Kuorum Dua Belas Rasul, “adalah untuk membekalkan tatacara-tatacara injil yang diperlukan demi kemuliaan kita dalam kerajaan selestial. Tatacara-tatacara bait suci membimbing kita ke Juruselamat kita dan memberikan kita berkat-berkat yang datang kepada kita melalui Korban Tebusan Yesus Kristus. Bait suci adalah universtasi pengajaran yang paling baik yang dikenali manusia, ia memberikan kita pengetahuan dan kebijaksanaan tentang Penciptaan dunia. Arahan anugerahan memberi bimbingan untuk cara kita harus menguruskan hidup kita sekarang pada masa fana. . . . Tatacara-tatacara injil itu terdiri daripada satu rangkaian arahan tentang cara kita harus hidup dan perjanjian yang kita buat untuk hidup dengan soleh dengan mengikut Juruselamat kita.”¹

Tetapi upacara bait suci kita tidak tamat di situ. Presiden Boyd K. Packer, Presiden Kuorum Dua Belas Rasul, mengajar: “Bertindak sebagai proksi kepada seorang yang sudah meninggal dunia, anda akan dapat mengaji semula perjanjian yang sudah anda buat. Anda akan dapat memperkukuhkan dalam akal anda berkat-berkat rohani yang hebat yang berkaitan dengan rumah Tuhan. . . . Dalam perjanjian dan tatacara—tatacara injil terdapat berkat-berkat yang dapat anda tuntutan dalam bait suci.”²

Datanglah ke bait suci dan kembali lagi. Membuat dan menjaga perjanjian bait suci akan menjagakan kita pada jalan yang menuju ke berkat yang terhebat—kehidupan abadi.

Barbara Thompson, penasihat kedua di dalam presidensi umum Lembaga Pertolongan.

Dari Tulisan Suci

Yesaya 2:3; 1 Korintus 11:11; Wahyu 7:13–15; Ajaran dan Perjanjian 109

Dari Sejarah Kita

Nabi Joseph Smith sering kali berucap kepada para saudara Lembaga Pertolongan dalam pertemuan mereka. Dengan bait suci Nauvoo di bawah pembinaan, Nabi mengarah

para saudara dalam ajaran, menyediakan mereka untuk menerima lebih banyak pengetahuan melalui tatacara-tatacara bait suci. Pada tahun 1842 dia berkata kepada Mercy Fielding Thompson bahawa anugerahan “akan membawa anda keluar dari kegelapan dan masuk ke dalam keterangan yang menakjubkan.”³

Sekira-kiranya sebanyak 6,000 Orang Suci Zaman Akhir menerima tatacara bait suci sebelum penghijrahan dari Nauvoo. Presiden Brigham Young (1801–77) berkata, “Orang suci menunjukkan keceemasan untuk menerima tatacara-tatacara [bait suci], dan kita cemas untuk melayan mereka, sehingga saya memberikan seluruh diriku kepada kerja Tuhan dalam bait suci sepanjang hari dan malam, tidak tidur lebih daripada empat jam, serata-rata setiap hari, dan pulang ke rumah hanya satu kali seminggu.”⁴ Kekuatan dan kuasa perjanjian bait suci memperkukuhkan Orang Suci bila mereka meninggalkan bandar dan bait suci mereka untuk satu perjalanan yang tidak tentu.

CATATAN-CATATAN

1. Robert D. Hales, “Blessings of the Temple,” *Liahona*, Okt. 2009, 14.
2. Boyd K. Packer, *The Holy Temple* (1980), 170, 171.
3. *Ajaran Presiden-Presiden Gereja: Joseph Smith* (2007), 451.
4. *Teachings of Presidents of the Church: Brigham Young* (1997), 299.

***Apa yang Dapat
Saya Lakukan?***

1. Pengalaman apakah yang akan saya kongsi dengan mereka yang saya kunjungi untuk memperkuat keputusan mereka untuk “datang ke bait suci”?

2. Bagaimana saya boleh menuntut berkat-berkat bait suci?

Untuk maklumat lebih lanjut, layari www.reliefsociety.lds.org.